

Имамнал даврия

Имамнал давриву цукунсса захматшивуртту диклан бюхъайссар? Ххювагу чак мизитравугу бувну, нюжмар кьини минбардания хутба буккаву бакъасса ялагу имамнал ци дувайссар? Вай суаллахъхунсса жавабру кIул дуваншиврул жу хьуна бавкьуру Дагъусттаннайсса яла хьунмамур мизитрал имам ХIасан-Афанди МахIмудовлуцал. СТР. 5



Нюжмар кьинилул кьимат

Ххуйну пикри буварча, жунма бувчIлай бур цана жува яхъанахъисса чIун цукун анаварну наниссарив. Шин барз кунна, барз кьини кунна лерххун най дур. Амма жунма хIасав хъанай бакъар жува гьарца кьини цара ца даву дуллаи, цинявппа гьантри кунни-ха ку лавхъхуну най бушиву. Мунияту, жунма хъама битан къабучииссар душиву цаппара ляличисса чIунну – шинаву барзру, зурдардиву кьинирду, гьантраву ссятру. Мигу хъанахъиссар жува АллагъначIан ﷻ гьан шайсса, барачатсса, буллугъшиву дирхъусса манзиллу. Миннувацца цаппара Аллагънал ﷻ кьютI бувссар, жува Аллагънал ﷻ рязишиву тIалав дуллаи хьиннува хIарачат буваншиврул.

ЛАЖ. 5

ИНТЕРВЬЮ

Элму лахълан тачIав къачIалссар

ХIакьину жу бусан ччай буру уздансса лаккучуная. Жабраилов Шяъбан ХIажиевич увну ур Азирбижаннал республикалий ялапар хъанахъисса ГьувкIратусса кулпатраву. Бувккуну бур Бакуйсса аьралуннал училище. Зий ивкIун ур аьралуннаву, яла милицанал органнаву. Ванан дур оьрмул 52 шин. Цана дуклай ур МахIачкъалаливсса Дагъусттаннал Исламрал Университетраву.

ЛАЖ. 6

НАСИХАТ

Гьибат бан та бучIиссар?

ХIакьинусса кьини бугътан-гьибат, маз баву жула оьрмулуву укунмасса, бигъасса иш кунма чIалачIи хьуну бур, муниясса зарал цуксса буссарив кIулну бунугу. КIия инсан ххюра минутIрал мутталиий цачIу бацIарча, чара бакъа цаманая ихтилат байбивхьуну, ганан ххуй къаби-занмур учай. ДакIнихтуну, ихIсанналий гьибатрая мурахасшиву тIалав дуллалимий жувухва чансса бур.

ЛАЖ. 3




Идавсия ﷻ цIа даврил конкурс



ЛАЖ. 2

ХалкъунначIан динналул чани лавсун нанимий





ЛАЖ. 5

МахIиялул мюнпатрая




ЛАЖ. 7

Идавсия ціа даврил конкурс


Декабрь зурул 18-нний Махачкьаллив хьунни Аьрасатнал даражалийсса конкурсрал финал. Му конкурс хас бувну бия Мухаммад Идавс  хьун аврин, мавлудру дук-каврин, Идавсия  бусаврин.




Конкурс бувну бия «Аманат» студиялул, Дагъусттаннал Муфтиятрал ва Хикуматравусса Динналул идарартащал дахьаву дувайсса Комитетрал. Мажлис бачин бувну ия «Аманат» студиялул бакчи Ахмед Хасанханов.

Шикку махъ лавхьуна Дагъусттанал Муфтийнал хьиривчу Идрис-Хажжи Асадулаевлул. Ванал барча бувну бавтми укун барачатсса, байранну ккалли буван бучиисса конкурсращал, бувсуна Мухаммад Идавсил  хасиятрая: «Ххирасса уссурвал ва ссурвал, жунма хьхьичІва хьхьичІ щукру Аллагу Тааьланайн буван аьркинни укун барачатсса мажлисраву гьуртту хьун тавпикь булунутий. Буругияра, циксса



Группа «Гъази-Гьумучи»

батавуртту дурив инсантал Аллагна  арх буллалисса, халкь чапуршиврувунгума бичлачисса. Жува мукунминавух бакъанутий щукру буван аьркинссар. Хакьину жува вичилий буру Кьуръанналуву


цяту ціа дурсса, Мухаммад Идавсиясса  назмурдах. Жува Аллагна  Алжаннаву Идавсищал  шайхтуращал ва салихинтуращал цацун буваннав!» – увкуна И. Асадулаевлул.

Мукунма, махъ лавхьуна Дагъусттаннал Хикуматрал динналул Идарартащал дахьаву дувайсса Комитетрал бакчи Мухаммад Абдурахмановлул. Ванал бувсуна укунсса мажлисиртгал, конкурсиртгал жула республикалул агьали цацун бавриву хьунмасса клану бугьлай бушиву.


Мунияр махъ финаланувун бувксса группардал ккаккан дуруна цала хьадур дурсса программа. Вайннавах бия лакку мазрай ва аьраб мазрай назмурду ва мавлудру ккалаккисса «Гъази-Гьумучи» тїисса группагу. Шиву бия Гьумучатусса Кьурбанов Шяьван, Хьуриятусса Бариев Мухаммад-маннар ва Хьанардал шяраватусса Кандаляев МухаммадХабиб. Конкурсрал хьасиллаин бувну, цалчинмур клану бувгьуна Дагъусттаннал Исламрал университетрал группалул, килчинмур «Тюбе» шяраватусса командалул ва шамулчинмур клану бувгьуна «Гъази-Гьумучи» тїисса группалул.

Ца тий буру вайннан ванияр тихунмайгу так хьхьичІунсса клантурду бугьаву.

Идавсил тарихрал конкурс

Цуссалакрал районналийсса динналул агьалинал аьдатравун багьну бур гьарца шинал Рабиуль-авваль зуруй Мухаммад Идавсил  оьрмулул тарихран хас бувсса конкурсру баву.



Гьашинугу мукунсса конкурс бувунни Новостройрайсса циньяв шархьаву. Цинугу шиву гьуртту хьунни ттуршуннийн бивсса инсантурал: дуклаки оьрчІая тїайла хьуну оьрмулул бугьараминнайн бияннин. Конкурсраву буллая бия «Идавсил  оьрмулувасса 300 суал ва жаваб» тїисса луттиравасса суаллу. Имамтурал бусаврин бувну, шиная шинайн гьарза хьанай бур конкурсраву гьурттушинна дуллалимийгу.

Гьашину цалчинмур клану бувгьунни Дучиннал шяраватусса Хажисуллаев Макьсудлул, килчинмур – Гьамиящатусса Аскандаров Зурабуллул ва шамулчинмур – Цуссалакрал шяравасса Бахалаев СалихІлул. Ххув хьуминнан дуллунни грамотарду ва кьимат бусса бахшишру.

ПОДПИСКА - 2017

Барчаллагъ кумагчитуран!

Ххирасса буккулт! Гьарца шинал шагь-рурдай ва шархьаву «Ас-салам» кказитрал подписка дуван, буккултрачІан биян буван жун кумагчитал чан кьашай. Чявучин ми бур мизитирттал имамтал, мадрасардал мутааьлимтал ва жяматривасса ишбазаранчитал.

Жула лакран лакку мазрайсса диндалул кказит аьркинну бушиву, лакрал миллат буньялану динналийн зана бикІлай бушиву чІалай бур кказитрал подпискалийну. Дакнихтуну хьунмасса барчаллагъ тий буру ислам машгьур давриву цала чулухасса бутІа бишин, «Ас-саламрал» тираж хьун дуван кабакьу бувайминнайн: Ккуллал, Лакрал, Цуссалакрал районнаийсса мизитирттал имамтурайн, жяматрал вакилтурайн. Исламрал цаний дякьих, гьарал-марххалттаных кьабурвугун, гьарца кьатлувун бухлай кказит чиччин кумаг буллалиминан тїайлабацІу баннав, зул ужагьирттая ххаришиву ва барачат чан кьахьуннав! Мухаммад Идавсил  увкуну бур: «Ца инсан ухьурчагу хІакьсса ххуллийх ачин аву хьинссар вин ва щалла дуньялгу ва дуньяллий думуньяргу», – куну. Исламрал динналул нур лакрал ужагьирттайн духхан дуван хІарачат буллалимигу мукуннасса хьинсса даву дуллалимари. Жу миннах хьунмасса барчаллагъ тий, чІа тий буру цулулушиву, дуллалимуниву тїайлабацІу. Зу дуллалисса хьин-хьинсса давурттив зунмасса хьинбалардуну зана дикІаннав, ххирасса уссурвал ва ссурвал!

ККАЗИТРАЛ РЕДАКЦИЯ



Учредитель
Благотворительный фонд «Путь».
Газета печатается по согласованию и одобрению
Муфтията Республики Дагестан

Редакционный совет
Председатель редакционного совета
муфтий РД
Ахмад хаджи АБДУЛАЕВ
заместитель муфтия РД
Махди хаджи МУТАЙЛОВ

Главный редактор
Азиз МИЧИГИШЕВ

Редактор
Иса ОМАРОВ

Канонический редактор
Мухаммад-хаджи САЛАМОВ

Менеджер
Абдусабир АХМЕДОВ

Дизайн, вёрстка
Мухаммад МУХИДДИНОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
П/И № ФС 77-37006 от 29 июля 2009 г.
При перепечатке ссылка обязательна.
Набрано и сверстано на компьютерной базе газеты
«Ассалам».

Отпечатано в ООО «Дом печати»
по адресу: пр-т Акушинского, 20

Заказ № _____
Тираж 2 100 экз.

Сдано в печать:
(график) 31 января 2017 г. в 16:00
(факт) 31 января 2017 г. в 16:00

Индекс 51388

Адрес редакции:

367010, РД, г. Махачкала,
ул. Ярагского, 128.

Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

E-mail: assamlak@mail.ru, assalamweb@gmail.com
www.assalam.ru

ХалкъунначІан динналул чани лавсун нанимий

Дагъусттаннал муфтийнал хъиривчунащалсса ихтилат

Жунма кІулсса куццуй, элму-кІулши лахъхъаву гьарца мусульманчувнал буржну хъанай бур. Аллагънайн ﷻ щукру, цІанасса чІумал дин лахъхъин ччимана-хун дахчилачисса цичІав дакъар. Динналия кІул буван бюхълай бур луттирдава, интернетрава, имамтурал вяъза-насихІатирттава, бур кказитру, журналлу, дискуру. Жува ми гьарзад лахъхъин хІарачат буван курчІил хъурчагума, жучІанма бувкІун бусан хІадурсса инсантал-гу бур.

Мукуасса идараттавацца ца хъанай дур Дагъусттаннал Муфтиятрал дявватрал отдел. Миннал давугу – халкъуннахъ хІакъсса Исламрая бусавури. Жу хъуна бавкъуру му отделданий каялувшиву дуллалисса Муфтийнал хъиривчу – Идрис Асадулаевлушчал.

– Идрис-хІаж, буси зула отделданул даву цукун дачин дурну дуссарив.

– ХІакъинусса къини жула республикалул циняв районнай зий дуссар Муфтиятравун духхайсса дявватрал отделлу. Ми циняв зий дуссар цасса схемалийн бувну. Миннал давунай дуссар личІи-личІисса чулиннай тІайла дацІан дурну: вузру, ссузру, школарду, хъунив хъуминнал къатри, азарханарду, базарду, ттучанну ва м. ц идаратту. Гьарца идаралийн хасну сакин дурну дуссар дявватрал низам. Му бакъассагу, жу хІарачат бу-

вару бюхъайсса кІанай динналия бусан, халкъ Исламрал чулинмай кІункІу буван.

– Зул лекциярдал вяъза-насихІатирттал тематика цукунсса дикІайссар?

– Жу цалчин буругару лекциялин бавтІминнах. Гайннан бавкъумур, вичІи дишин гьира бумур, мюнпатмур бусару. Ялагу бусару цІанасса чІумал хъанахъисса иширттая ва миннул чулухуннайсса Исламрал-мур чІалачІиннарая. Гьаз бувару наркоманиялул, хІан хІачІаврил ва м.ц. заралсса иширттал масалартту. Къулагъас дувару ватан ххирашиврух, халкъуннал дянивсса арардах, террорданул ва экстремизмрал заралшиврух. Вай гьарзадряя жу бусару Исламрал чулуха, цанчирча жула динналулу гьарца масалалунсса жаваб дунутІий.

Мукуасса, жул вяъзардаву кІицІ лагайссар гьарцаннан кІулу бикІан аьркинсса динналул аслурду, мусульманал адав-духІин ва м. ц.

– Зух вичІи дирхъумий чІявучин цукунсса суаллу буллан бикІай?

– Жагьилтурал суаллу биялсса булай. Миннува чІявумий бикІай инсаннал оьрмулуву гьарца къини хъуна бакъаймуниясса. Суаллугу кунниха ку лавхъхъусса бикІай, мунийн булчІлай бур жула халкъуннаву динналул кІулшивуртту хъхъарану душиву ва миннан лахъхъинмур уттигу чІявушиву. Жул отделданул зуалтрал миннахъхъун щаллусса жавабур ду-



лайссар, ялагу цІуххисса бухъурча оьвчин ччиманан телефонналул номерду къабитайссар. Най дуссар динналул даву интернетравугу.

– Мукссара хъинну лагъну дурив халкъуннаву динналул кІулшивуртту?

– На увкусса куццуй, инсантурал суаллу тамансса булай, миннува чІявумий бикІай хъинну бигъасса, гьарцаннан укунмагу кІулу бикІан аьркинсса. Мунийнугу чІалан бикІай дин инсантуран ххуйну къакІулшиву. Мунил сававгу, ттул пикрилий, жула халкъуннал Исламрал гьанурду лахълансса чІун личІи дуван къабюхълахъавури. Муниятту, жул отделданул зуалтращалсса хъунабакъавурттайхІин миннацца

бюхълай бур цала суаллансса жавабур кІул дуван.

– Идрис-хІаж, кІул хъун ччива зул отделданий зузимий ца буссарив, миннал ци дурккуссарив.

– ЖучІа цІана зий бур къуя инсан, миннава чІявуминнал дур кІира образование: динийсса ва светскийсса. Му бакъассагу, миннан кІулу бикІан аьркинссар инсаннащал ихтилат буван, бувчІинну за бусан. Циняв зузалт мудангу цала ялув бавцІуну, цала профессионализм ларай дуллай буссар.

– Давриву цукунсса захІатшивуртту хъуна дакъай?

– Аллагънал ﷻ цІимилийн хъунисса захІатшивуртту дакъар, цанчирча, хІакъину гьарцаннан бувчІлай бунутІий тІайласса динналул кІулшивурттаясса мюнпат ва миннуяхІин бюхълай бушиву дайшун дуван экстремизм ва цаймигу аьркин бакъасса ишур.

Амма ца-цавай районнай бур къуллугъчитал жул даврил мяъна багъайкун къадурчІлачІисса. Жул даву ххуйну нанисса кІанттурдай ххуй чулиннайсса дахханашивуртту хъанай дур. Ттун чІалачІиссаксса – хІукумат ва динналул идаратту цацІуну зий бухъурча, жяматраву барачатшивугу, куннан ку бувчІавугу дикІантІиссар.

– Идрис-хІаж, вин барчаллагъ дуллалисса даврихлу, Аллагънал ﷻ зун кумаг буваннав!

– Амин!

ИХТИЛАТ БУВССАР

АЪЗИЗ МИЧИГИШЕВЛУЛ

НАСИХІАТ

Гьибат буван та бучІиссар?

1 « Ца-цавайннан бюхъай гьибат бавриясса зарал, мунил бунагъшиву къабувчІлай бикІан. «На шялмахъ буслай акъарахха, бусса за тІий ура!» – тІун бикІай цаппара. Амма жунма кІулу бикІан аьркинссар, шялмахъ буслай ухъурча, му бутъган хъанахъиву, тІайламул буслай ухъурча – гьибат хъанахъиву.

Идавсил МухІаммад увкуссар: «Гьибат – му вила динналул уссияту ганан тІааьн къабизансса махъ учавури». АсхІабтурал цІувххуссар: «Му тІайласса бухъурчагурив?» Идавсил ﷻ жаваб дуллуссар: «Ина тІутІимур тІайласса бухъурча, му гьибатри, тІайласса бакъахъурча – му бутъганни (бурушин, бакъу бишаву)» (Муслим, хадис №4796).

Ибну ХІажар аль-Аскъалани тІисса аьлимчунал бувсун бур Имам ан-Нававинаяту: «Гьибат – вила динналул уссияту ганан ххуй къабизанмур циманахъ бусавури – чурххая, динналия, дунияллувумуния, хасиятрая, оьрчІая, нитти-буттая, хъуслия, царссания, янналия, багъу-бизу-



лия, тяхъашивруя, пашманшивруя» (ФатхІуль-Бари, 17/207).

Аьлимтурал луттирдаву ккаккан бувну бур гьибат буван ихтияр дусса ва чара бакъа буван аьркинсса цаппара кІанттурдугу. Имам ан-Нававинал «Риязу-ссалихІин» тІисса луттирдаву увкуну бур: «КІулу икІу, тІайласса, шариаьтрайсса мурадрийн иян бюхълай бакъахъурча, гьибат буван бучІиссар ряхва кІанттай:

1. Аьрза бувайсса

чІумал.

Вийва цаманал зулму бувну бухъурча, ихтияр дуссар суд-диван буваншиврул ягу инава зулмулува ххассал уван бюхъайманал хъхъичІ гьибат бувну, винма цаманая бивсса заралунния бусан.

2. Бунагьирттаву агъсса инсан тІайла ацІан уван ягу аьй дуван аьркинсса кІанай махъ учиншиврул.

Мукуасса чІумал бучІиссар: «Пулансса инсаннал укунсса бунагъ буллай ур, ява та ма-

итара муку буллан», – куну бусан. Амма бунагъ буллалима къюкъин уван, ягу хІазран бусан къабучІиссар.

3. Цумур-бунугу масалалул хІакъираву шариаьтрал хІукму иманнахъ ягу аьлимчунахъ цІухлахисса чІумал.

Мукуасса чІумал бучІиссар бусан ва инсаннал укунсса даву дурунни, муни шариаьтрал цукунсса къимат бишлай буссар, куну. Амма хъинссар цІа къаувкуну, уку-тукунсса тІул дуллалисса инсаннал хІакъиравусса хІукму цукунссар, куну цІуххин.

4. Мусульман заралунния буруччиншиврул.

– Инсан кулпат буван ягу дахху-ласулул арарду бахІин, ягу хъус аманатрайн дулул, ягу къатта ласун ва м.ц. ччай ухъурча, бучІиссар цІуххаву дуван, инсан цукунсса урив кІул уван. Вихъва цІуххирча, бусангу аьркинссар.

– Дин лахълахъисса инсан тІайла бакъасса ххулу бувгуманаяту кІулшиву ласлай ухъурча, бусан аьркинссар, та инсаннаяту архну икарча

хъинссар, куну.

– Къуллугърайсса инсан цала даву дуван къаччай ягу къахъанай ухъурча, мунаяр лавайманахъ бусан аьркинссар, миккугу бунагъ бакъассар.

5. Инсан загьирну, нач дакъа бунагъру буллай ухъурча.

Инсан щиятучІав нач дакъа хІантту хІачІлай, халкъуннацца хъус хъямала дуллай ва мукунна цаймигу лайкъ дакъасса тІулу дуллай ухъурча, мунаяту инсантурахъ бусан бучІиссар. Мунаву цайминнан зарал бакъасса диялдакъашивуртту духъурча, ми кІицІ лаган къабучІиссар.

6. Чулий цІа учаву.

Инсан халкъуннаву машгьур хъуну ухъурча ялул цІанийну, масала, «аьрччама», «мурчІима» ва м.ц., бучІиссар му цІа учин, инава щияту буслай уссарав кІул хъуншиврул. Бюхъавай ялул цІа кІицІ къаларгун бувчІин буварча хъинссар.

ХІАДУР БУВССАР

МУХІАММАД МУСЛИМОВЛУЛ

ОьрчIру тIайлану тарбия баврия

(дайдихъу хьхьичIмур номерданий)

3. Нитти-буттал къулагъас дуван аьркинссар цала оьрчIру хIалалсса дукра канаки баврил чулиннай. Мунияту, хьинну агъамссар оьрчIан школалый, ясли-садрату цукунсса дукра дуллаи бурив хьирив бацIаву. Жула мурад так оьрчIру ххуйсса кIанай дуклаки баву бикIан къабучIиссар.

4. Аьлимтурал тIимунин буну, хьхьичIва-хьхьичI оьрчIан лахьхьин буван аьркинссар кутIану МухIаммад Идавсил   оьрмулия: му Маккалив увшиву, Мадиналив изшиву ва миккува дуняллий лавгшиву ва м.ц.

5. Хьирив миннан лахьхьин буван аьркинссар чак баву, зума дугъаву ва цаймигу динналул ялуршиннарду биттур даву. Зунма ми гьарзад кIулну бакъахьурча, лахьхьин бувансса муаьлим ххал уван аьркинссар. МухIаммад Идавсил   увкуссар: «Зула оьрчIан чак буван лахьхьин бувару арулла шиная шинмай. АцIра шинавун бивукун, чак къабулларча миннан танмихI булувару, ми шиннардивун бивукун личIи-личIину утту бишингу булувару» (АхIмад, Абу Давуд).

6. Нитти буттал пикри буван аьркинссар цала оьрчIан Къуръан буккин лахьхьин баврил хIакъираву. ХIадисраву увкуну бур: «Зувату яла хьинма – Къуръан буккингу лавхьхьуну, цайминнангу лахьхьин буваймари» (Аль-Бухари).

МухIаммад Идавсил   увкуссар: «Къуръангу лавхьхьуну, микку увкуссар куцIуй оьрму бутлай ивкIманал нитти-буттал бакIрай Къиямасса кьини нурданул таж бишинтIиссар. Мунил чани бикIантIиссар бургьил чаннаха лавхьхьусса. Миннай лаххантIиссар ва дуняллий цинчIав къакжарксса лаххия. Миннал цIуххинтIиссар: «Вай гьарзад жун ссахлунур дулусса?» Миннахь учинтIиссар: «Зул оьрчIру Къуръан лахьлай бивкIунтIийри» (Аль-Хаким).

7. Ялагу ялувссар оьрчIан лахьхьин буван хIарамсса иширтта архну бикIаву, цанмагу цайминнангу динналуву фаризамур ва суннатмур лахьхьин буллан, сивак дуккайсса куц бухурчагума. Му ялуршиннагу нитти-буттагу къалагайссар оьрчI балугъравун къаувхссаксса.

8. Бусияра зула оьрчIахь бунагьирттая. Лахьхьин бувару бунагьру цукунсса журадIал бикIайссарив, тIайлану тавба цукун дувайссарив, бунагь багьишла би-

таву цукун чIа учайссарив, Аллагьнайн   мютIий акъаманан цукунсса танмихI бувантIиссарив.

Аьраб мазравусса «тавба» тIисса мукьул мягна хъанакъиссар «бунагь баврия пашман шаву», цамур куцIуй учин, тавба – тIайла бакъасса, шариаьтрацIун къабавкъусса ххуллия Аллагьнал   ва Идавсил   ккаккан бувсса ххуллийн зана икIавури.

Къуръанналуву увкуну бур иман думиннахь (мягна): «Аллагьнахь   зула бунагьру багьишла битаву чIа учара дакIнихтуну» (сура Ат-ТахIрим, аят 8).

Идавсил   увкуссар: «Дакинихтуну бунагьирттая тавба дурма бувагу бу-



нагь къабувма кунассар» (Аль-Бухари, Муслим).

Ибну Аьббаслул   увкуссар: «Бунагь багьишла бити тIий дуаьгу дуллаи амма ялагу гава бунагь буллалима Аллагь   къякълун ихълахьима кунассар».

9. Аллагьнан   мудан жува чIалачIиссару, дуллалимур малаиктурал чичIачIиссар, къиямасса кьини гьарзадрах жаваб дулун багъантIиссар тIисса пикри оьрчIал дакIурдиву цIакь буван аьркинссар.

Аллагьнал   увкуссар (мягна): «Аьрцарай ва ссавруннай вил Заннаяту   цичIав къюлтI къашайссар, чIирисса духьурчагу, хьуннасса духьурчагу – гьарца зад чивчуну буссар мягълумсса луттираву» (сура «Онус», аят 61).

Къиямасса кьини гьарцаннал жаваб дулунтIиссар цала дуллаи ивкIмунихлу. ЩихьчIав къацIуххинтIиссар цаманал бувсса бунагьрая, щичIачIав къахьунтIиссар цаманал бунагь цайнма ласун.

Къуръанналуву увкуну бур (мягна): «Гьарцаннал бунагьру буллалиссар так цанма зараллуннин. ЩийчIав цаманал бувсса бунагьирттал гьиву къадишинтIиссар» (сура «Анаьм, аят 164).

10. Дуварув зу къулагас зула оьрчIру ссаху зий бурив – хайрмуниха ягу заралмуниха?

Зу зула ялув оьрчIал цуксса хьинну бацIару: га шанашисса чIумал, иззукун, дукра дукайни, телевизор ххал бувайни, компьютерданий тIуркIу бувайни ва цаймигу иширттаву? ЧIявумий оьрчIру ссатирдай компьтерданий тIуркIу буллаи бикIай, микку миннан ккаклай дур халкъ литIаву, оь эки бутIаву, бивкIурду, рахIму бакъашиву, оьшиву – вай гьарзадрал асар бувайссар оьрчIал аькълулийн ва хасиятрайн. Зула оьрчIан дуттирду буккаву ххира хьун хIарачат бувару, мури хьинмур.

11. Лахьхьин буварув оьрчIан хIурмат буллан аьркинш и в у нитти-бутттаха, оьрмулул хьуниминнаха, учительтураха, чIаххувраха? Зувагу куннаха куннал хIурмат буварув, оьрчIалгу зуятува лавхьхьуну эьрат ласуншиврул?

12. Пшу ва нину личIулну бикIан аьркинссар оьрчIал хьхьичI къалмакъаллу даврия, ми чIарав бусса чIумал щийдунугу аьй рищаврия. ОьрчIал щия-бунугу оьсса махь учирчагу, мукун буллан къабучIиву бусан аьркинссар.

13. ОьрчIан ччимуних, миннал миннатирттаха къулагъас дуварув, ягу зун мий так зула буюрду биттур бувултну чIалай бури?

14. ОьрчIал ххуйсса тIул-тIабиаьт загьир дуварча зу миннаяту цIа дуварув, ягу так оьминнухлу танмихI бакъа къабарув? ТIайласса тарбия – хьинбалалухлу цIа даву ва оьбалалухлу аьй давутури.

Шикку мисалну буцин бучIир укунсса хIадис. МухIаммад Идавсил   увкуну бур ца асхIабная: «Ва Аьбдуллагь ххуйсса инсан ур, амма хьхувай извун чакру байсса бивкIссания хьиннува

АХIМАД-ХIАЖИ АЬДУЛАЕВ

ДАГЪУСТТАННАЛ МУФТИЙ

хьина» (Аль-Бухари, Муслим).

15. Нитти-буттан къабучIиссар оьрчIал дакIнийн щунсса махь учин. Сситтувух оьрчIайн оьккисса махьру тIун къабучIиссар (масала: ахIмакь, хIайван ва м.ц.). СситтучIа ссавур дулувару, чIу лахь къабувну бувчIин бувару.

16. Лахьхьин бувару зула оьрчIан гьан-маччаминнащIал ва цащIала ххавхминнащIал арарду цIакь буллан. Лахьхьин бувару къаччан бикIан бувми багьишла битан ва къащимур анаварну хъама битаван. Идавсил   увкуссар: «Винма къаччан бикIан бувманашал дакьил хьу, вицIара зерххуманан дула, вийва зулму бувма багьишла ити» (АхIмад, Аль-Байгъакь).

17. Бусияра зула оьрчIахь, гьарца мусульманчув хьинсса аьмаллайну ва динналул тIалавшиннарду биттур даврийну Ислам дуруччаврихлу жаваблуну ушиву.

18. Лахьхьин бувару миннан аьлимтал, шайхтал, имамтал, муаьлимтал ххирану бикIан аьркиншиву. МиннащIал архIал занай динналул дарсирдайин, жьмаг-чаклийн, вьгза-насихIатрайн, динналул байраннайн ва мажлисирттайн.

ЧIивисса оьрчI дачIрасса тахIни кунассар – жува му ххуймунил дуцIин къадуварча, чара бакъа оьмунил дуцIинтIиссар. КIулну бикIи, оьрчIру – Аллагьнаятусса   хьунмасса неьматри ва муниципал архIал жаваблуншивутури.

Пикри бувару: зула хьус, машинарду, къатри, арцу, халкъуннавусса кIану – ми гьарца ца кьини духлаган, дацин, дакъа хьун бюхьайссар. Иманналийсса гьану бусса тарбияшиву – дуняллул ва ахираьтрал тIайлабацIуллул шаргIри. Идавсил   увкуссар: «Хьинсса тарбиялуяр ларайсса бахшиш буттал арснан къадулуссар» (Ат-Тирмизи).

19. Нитти-буттал чIяруну укунсса дуаь дуларча хьинссар (мягна): «Я Аллагь, на хьун ува ттунма ва ттула нитти-буттан буллусса неьматирттахлу щукру бувайману. Кумаг бува Инава рязисса, хьинсса аьмаллу буллан. Ттул наслугу салихIсса хьун бува. На Вил хьхьичI тавба дуллаи ура. ХIакьну – на мусульманнавассара» (сура «Аль-Ахкаф», аят 15).

Гьарца нитти-бутталгу, оьрчIай кялушиву дуллалиманалгу вай ялув кIицI лавгсса насихIатирттаха къулагъас дуварча мунан чIалантIиссар цала оьрчIаяту ца хьуну най буссарив.

НАСИХIАТ

Адав дуруччаврил хьиншивуртту

(дайдихъу хьхьичIмур номерданий)

Аллагьнал чулиннайсса адавну ккалли вив ласаву цува мудан Аллагьнан   чIалай ушиву – хьинмур буллалинийгу оьмур буллалинийгу – Аллагьнан   гьарзад кIул шайссар.

Къуръанналуву увкуну бур (мягна): «Аллагь   зуцал уссар зу чув бухурчагу» (сура «аль-Хадид», аят 4). Ванил мягнагу – Аллагьнан   жува дуллалимур кIулссар ва гьарзадрал ялув къудрат дуссар.

Халкъуннан ххуй къабизансса бухурчагу, Аллагь   рязисса аьмал бавугу адав дуруччавуну хъанакъиссар. ХьхьичIва-хьхьичI пикри буван аьркинссар Аллагьнал   рязишивруя. Мува куцIуй, инсантал рязисса бунугу, Аллагьнан   сси бизансса аьмал къабавугу духIин душиврун хIисавссар. ХIадисраву увкуну буссар:

«Аллагь рязи уваншиврул халкъуннан къаччимур бувайманая Аллагь рязину икIантIиссар. Аллагьнал муная халкъу рязи хьун бувантIиссар. Мукунма, халкъ рязи буваншиврул Аллагьнан сси бизаймур бувайманайн Аллагьнал сси ликкантIиссар, халкъу мунайн сситтугь бикIантIиссар» (Ибн ХIаббан). Амма аьдатирттайн ва кIанттул хасиятирттайн буну (хьатIай, бивкIурдай ва м.ц.), инсантурал чIявуну бувай Аллагь Тааьланан сси бизанмур.

Аллагьнал   чулиннайсса адавну хъанакъиссар ва хIадисраву тIимур баву: «Аллагьнайн   мютIийшиву дува вина Аллагь   чIалалисса куна, вин Аллагь къачIаларчагу, Аллагьнан   ина мудан чIалачIиссара» (Муслим). Му куцIуй эьбадат даврийн «ихIсан» учайссар. ИхIсанналий инсан тарбия увайссар тасаввуф (тарикият) тIисса элмулул.

Аллагьначансса   адавну ккаллиссар инсан так Аллагьнал   рязишиву тIалав дуллаи ушиву, Заннайн   мютIийшиву цала оьрмулуву яла агъаммур ишну чIалай ушиву, дуржагърая ххассал хьунсса, ягу Алжаннул неьматру ласунсса умуд къабивхьуну.

Алжан къаххирар ягу дуржагърая нигь дакьар тIисса инсан динналува уккайссар, чапур шайссар, цанчирча, Аллагьнал   жунма хьул къабивтун бур Алжаннавун ухханссара тIисса ва амру буну бур дуржагърая бурувчуну бикIияра, куну. Аллагьнайн   мютIийшиву дачин аьркинссар Аллагь   жула Зал, жува Аллагьнал   лагъарт бушиву кIул шаврияту ва мютIийшиву лагънал бурж бушиву кIулшивруяту. Эьбадат дуван аьркинссар Аллагь   ххирану, Аллагьнал   рязишиву тIалав дуллаи. Алжаннавун ухханшиврул ягу дуржагърая ххассал хьуншиврул

эьбадат дувайма лашан уван бучIиссар вичIи къадишайсса оьрчIаха, буттал арцу дулурча увкумур бувайсса, къадулурча къабувайсса.

Аллагьначансса   адав дуруччавриву яла агъаммур – мудан Зал дакIниву итавури. Мукун итан кумаг бувайссар тарикиятрал элмулул ва ялув кIицI лавгсса масалартту щаллу баврил.

КутIану учин, Къуръанналуву ва хIадисирттаву жуйнма амру бувмур биттур баву ва къадагъа дирхьумур къабитаву хъанакъиссар яла хьуннамур адав. Мува куцIуй, къадагъа дирхьумур баву ва буван аьркинмур къабаву – мури адав дакъашиврул бакI.

Аллагьнал   жунма кумаг баннав камилсса адав дуруччин. Амин.

КЪУРАМУХIАММАД-ХIАЖИ РАМАЗАНОВЛУЛ ЛУТТИРАВА

Имамнал даврия

1 « – Хасан-Афанди, ина уттигъанну ивтуна Махлечкъалаливсса Хъун мизитрал имамну. Му иширашчал ина барча уван бучиририв?

– На хъярч бакъа учивияв имамну итавришчал на барча уллан къааркинссар, так алалав буван бучирир. На укун тий ура ва къуллугърайсса инсаннал хъачунттай цуксса гиву дуссарив кѳлну. Имам – так чакливу хъхъичи ацѳайма акъар. Мунай дуссар Аллагъналгу ﷻ, жяматралгу, мизитравун бучѳайминналгу хъхъичи хъуннасса жаваблувшиву. Ва мизитравун бучѳай азарахъул инсантал, миннай каялувшиву дуван бигъасса иш бакъассар.

Имам – цалчин жяматрал бакчири. Му икѳан аркинссар цала тѳисса мукъурттицѳун авкъусса. Имамнал бувайсса вяъза-насихѳат цалчин цанмари буллалисса – хъхъичи цува ачин аркинссар тѳайласса ххуллу бугъуну.

На «барча» уван бучирир вания тихунмай ттул ялѳв Аллагънал ﷻ хъхъичѳисса бурж ххи шавришчал. Миннат буллаи ура кказитрал буккултрахъ ва мизитравун бучѳайминнахъ, дуаъ дувара жу дуллалимуниву барачат бикѳаншиврул.

– Чакру баву бакъасса имамнал давривун ци духхайссар?

– Чѳарумур чѳун лагай халкъуннашчал ихтилат буллаи. Жул мизитравун хъинну чѳявусса инсантал бучѳай, шагърулиягу шала Дагъустаннаятугу личѳи-личѳисса цала оърмулѳвусса захѳиматшивуртгашчал, суаллашчал, иш-масалартгашчал. Имамнал, мунал кумагчитурал ва мизитрал зузалтрал чѳарумур чѳун лагай халкъ къамул буллаи. Гъарца зузалал дуссар цала

даву. Жучѳан бучѳай бан-бит бухлавгсса, кумаг ча хъувивав тѳисса инсанталгу. Миннан кумаг буваншиврул жу зий буру мискинминнан кумаг бувайсса «Инсан» фондрашчал цачѳуну.

Мизитраву най дуссар дарсру ва курсру. Жу хѳарачат бувару халкъуннан гъарца ишираву бигъашиву, рахѳатшиву дуван.

– Мизитрал зузалтрал чулхуннайгу дикѳайрив аѳь-бювкъурду?

– Сайки гъарца чаклил хъирир жул кабинетравун буххай инсантал. Миннал чѳявумий суаллу бикѳай кулпатрал ягу маэшатрал иширтгаѳсса. Бучѳай бѳят багъсса инсанталгу, динналул тѳимунийн бѳвну дакъил хъунса мурадрай. Жугу хѳадурну буру гъарца тагъардануву шариатрал хѳукму бѳвчѳин буван.

Маэшатралмур иш ласурча, гъарца инсаннан арцѳуну кумаг бувансса сант мизитрачѳа къадикѳайссар.

Аѳь-бювкъурдашчаллив жу цалсса хъуна къабавкъуру, бикѳай цала пикри бусласисса, маслихѳат-мушавара буллалисса динналул уссурвал. Масала, уттигъанну цаппара инсантал бѳвчѳун укунсса пикри бѳвсунни: гъарца чаклил хъирир лахъну Къуръан буккаву мадувари, цанчирча, чѳал хъуну чак буллалиминнахун му бакчилай бунутѳий, тѳисса. Жу пикри бѳвну, так кѳюрххил чаклил хъирир бакъа Къуръан къабуклансса хѳукму буварду.

– Имамнашчал маслихѳат ккаккан чѳисса инсан чун учѳан аркинссар?

– Жул кабинет буссар мизитрал хѳаятравусса къатраву цалчинмур зивулий. Мизитрал администрация зузиссар сѳят 10-нния ахттакъуннай



Хасан-Афанди Сулайманович Махѳмудов увну ур 1982-ку шинал Махлечкъалалив. Школа бѳвчѳуну махъ увххун ур ДѳУ-лул экономикалул факултетрайн. Зий ивчѳун ур бухгалтерну ва «Ас-салам» кказитрал вакилу. 2007-ку шинал увххун ур Исламрал Университетравун. Му бѳвчѳуну махъ зий ивчѳун ур Дагъустаннал Муфтиятрай. 2017-ку шинал ивтуна ур Махлечкъалаливсса Хъун мизитрал имамну.

5-ра хъуннин, гъарца кѳини. Му манзилдануву чѳиманаща учѳан бюхъайссар цала суал булун ягу мушавара буван.

– Жун кѳулли Хъун мизитраву чѳярусса шиннардий динналул аслурду, чак баву, Къуръан буккаву лахъхъин буллаи бушиву. Муниа чансса балжину буси.

– Мѳайжаннугу, шикку динналул аслурдал дарсру дихълай тамансса шинну хъуссар, цанчирча, аслу

кѳулну бикѳаву гъарца мусульмансса адиминал ва хъамитайпалул бурж хъанай бунутѳий.

Чак лахъхъин чѳисса инсаннан ца кѳинилул мутталий лахъхъин бувайсса дарсру дуссар. Ми дикѳайссар гъарца алхѳат кѳини сѳят 10-нний.

Гъарца кѳини кѳюрххия ахттайнин Къуръан буккаврил дарсру дуссар. Гъарцаща хъунтѳиссар шайссар увчѳун, муаѳлимнашчал икърал дурну, цанна сант дусса чѳумал чѳисса луттирава дарсру ласлан. Му бакъассагу, Хъун мизитраву нѳожмардий кѳилла Сириянавасса хъунасса аѳлимчу Мустафа Аль-Бугъал дишайссар дарсру, буккайссар лекциярду.

– Ялагу ци дувансса пикри бур?

– Пикрирду чѳявур, дулланмургу чансса дакъар. Мизитрал чѳарав бѳвну буссар хъун бакъасса оърчѳансса плошадка, парк, шиккун оърчѳу бѳялахъан буван чѳиманаща учѳан шайссар. Жул умуд бур, мизитрал чѳарав бѳялахъаѳисса оърчѳал ва гѳйнал нитти-буттал дакѳниву ххѳйсса асар личѳанссар тѳисса. Миккун бучѳайми Исламрачѳангу гъан хъунхъуви тѳий буру.

Мукунма, мизитрал каялувшивруйну зий буссар медициналул центр, чѳал къавхъуну тѳитѳинтѳиссар конференц-зал ва гъанттайнмаѳсса курсру бачин бувансса къатри.

– Хасан-Афанди, вин хъунмасса барчаллагъ жул суаллахъхъун жавабру дулунсса чѳун ляркъунутѳий. Чѳа тѳий буру дуллалисса давриву барачат, Аллагънал ﷻ кабакъаву ва жяматраву аслахѳиву.

ИХТИЛАТ БУВССАР

ШАМИЛ МУХѳАММАДОВЛУЛ

ДИННАЛУЛ ЖАВГЪАР

Нѳожмар кѳинилул къимат

1 « Цѳиявпагу мусульманнан нѳожмар кѳини байранну хъанхъиссар. Ца хѳадисраву увкуну бур: «Ххуллун кѳини – жугъутѳийн, алхѳат кѳини – хачпарсан, нѳожмар кѳини мусульманнан». Му кѳини жуѳинма хъинбаларду, хъиншивуртту ликкаѳисса кѳинири. Цамур хѳадисрайн бѳвну, нѳожмар кѳинилул къимат лахъссар Зумаритавал, Къурбан-байрамрал ва Аѳшурдул кѳинирдаяр, так Аѳрафатрал кѳини личѳаннин.

Нѳожмар кѳини Аллагънал ﷻ ляхъан увссар Адам Идавс ﷺ, нѳожмар кѳини му ликкан увссар аѳршарайн, ва дунияллия накълугу хъуссар нѳожмар кѳини. Нѳожмар кѳинилулу буссар ца чѳумул манзил – сѳят, му чѳумал Аллагъу Тааъланал жура дурсса дуаѳртту къамул дувайссар. Амма Аллагънал ﷻ му чѳун цумур сѳятраву дуссарив инсаннан кѳул дурну дакъар, шала кѳини эбадат дуллаи бикѳаншиврул.

Мухѳаммад Идавс ﷺ увсса хъхъунил ва Рамазан зурувусса Лѳйлатул-къадрилул хъхъунил хъирир яла ххѳумур хъхъу хъанхъиссар нѳожмар хъхъу. Малаиктурал нѳожмар кѳинилийн учѳайсса бур буллугъшиврул, аваданлугърал кѳини, куну. Му кѳини Аллагънал ﷻ Цала лагъартуннайн хѳисав дакъасса неъматру ва цѳими ликкан бувайссар.

Жува чѳявуну къулагъас къадурну къадитайсса нѳожмар хъхъу ва нѳожмар

кѳини цукунни гъан дуван аъркинсса?

Цалчин, къулагъас дуван чѳива чак буллаи байбишин чѳиминнал: бюхъай кѳинилун ххѳова чак баву зун чѳалай дикѳан хъуннасса жаваблувшиву ва гъаз дуван къашайсса гиву кунна. Нѳожмар



кѳини ва нѳожмар чак хъун бюхъайссар Аллагънайн ﷻ мѳотѳийну оърму бачин буллаи байбишаврил сававну. Му кѳини эбадат дуллаи гъан дурсса гъарца сѳят, минутѳи ягу лахѳиза хъун бюхъайссар цѳусса, талихѳсса, рувхѳанийсса оърмулул дайдихъуну.

Му чулинмай цалчинсса ша бѳварча, чара бакъа Аллагънал ﷻ

кабакѳинтѳиссар, кумаг бѳвантѳиссар. Чак буллалиминнаву чансса бакъар нѳожмар кѳинул барачатрайну байбѳивхъусса. Цанчирча, му чѳумал цѳияв мусульман, мизитравун бѳвчѳимий архѳал чак буллаи, дуаъ дуллаи, Аллагънайн

ﷻ леххаву тѳий, бѳнагъру багъишла битаву, цѳими бишаву чѳа тѳий бикѳайнутѳий. Му чѳумал чѳалан бикѳайссар инава мѳайжаннугу Мухѳаммад Идавсил ﷺ умматравасса ушиву, цѳияв мусульман ца кулпат бушиву. Нѳожмар чаклийн бѳвчѳисса ттуршахъул, азарахъул инсантураву ца салихѳисса, Аллагънан ﷻ ххирасса валий ухъурча, мунал барачатрайну Аллагънал ﷻ жула оърмугу

ххѳумур чулинмай кѳура баян буван бюхъайссар. Ягу жунма мизитраву бавса вяъза, Къуръанналул аят ягу хѳадис дакѳниву бювххун, жува тѳайла бацѳан бюхъайссару. Нѳожмар кѳини мизитраву, жяматраву гъан дурсса гъарца минутѳи лашан дуван бучѳир багъа бишун къашайсса ттеркъукилуха. Чансса хѳарачат бѳварча, му ттеркъуки жухъхъуннагу

дириятѳиссар. Муниагу, чак буллаи айишин чѳиманалгу лахъи лаган къабѳвну, махънин къабѳвтуна, анаварну айишин аъркинссар, цѳияр дуаѳртту лахъхъиннин, давуртга илкинсса чѳун ляркъиннин къаялугълай. Так дакѳниву марцѳисса нѳят дурну, Аллагъ ﷻ рязи увансса пикри бушиву гъассар. Хѳакѳину ягу гъунтѳий нѳожмар кѳини духъурча, бачѳира му давлат итакъабавкъуну, барачатсса кѳинилул неъматругу лавсун, Заннайн ﷻ мѳотѳийсса цѳусса оърму байбишиннуча!

Ца хѳадисраву Идавсил ﷺ увкуну бур: «Кѳинирдава яла даража лавѳаймур – нѳожмар кѳинири, му кѳини зу чѳяруну салават дутѳияра», – куну. Яла куѳамур ва жунна ххѳуйну кѳулмур салават дур «Аллагъумма салли аъла Мухѳаммадин ва аъла али Мухѳаммадин ва саллим». Ца салават дуртѳисса инсаннайн Аллагъу Тааъланал ацѳра салават дутѳайссар, ацѳва чѳири чѳичайссар, ацѳва бунагъ багъишла битайссар, ацѳва даражалул лавѳай увайссар.

Аллагънал ﷻ жунма кумаг бѳваннав булѳусса неъматиртгал къадру кѳулну бикѳан, Аллагъ ﷻ рязисса кушѳуй эбадат дуллан, нѳожмар кѳини бусравну гъан дуллан, салават дутаву чѳяру дуван.

ХѳАСАН МУХѳАММАДОВ

ЦѳУССАЛАКРАЛ ШѳЯРАВАЛЛИЛ ИМАМ

Элму лахълан тачлава къаччаллссар

1 « – Университетраву ина ормулул яла хъунама студент ухунссара. Му ормулулу дуклан ухан савану ци хъуна?

– Зу махлаттал хъунссару, амма тугур хъуниссагу бур. Гъашину цалчинмур курсарин дуклан бувххунни бугъарасса ормулувусса ряха-арула инсан.

Тугулмул иш ласурча, 2006-ку шинал на Чиркейлив лавгссияв шайх Саид-Афандиначлан ﷺ вирд ласун. Мунир махъ ттул дакниву дин лахълансса гъира багуна. Мичча айивхуну на пикриравун агъунав: дуниял-ахлам лахъан дурсса Аллагу Тааьла ушиву Алжан бушиву, Дуржагъ бушиву, шайхтал, устазтал бушиву, инсан цува мусульманчувра тий ухурча, тлайлану, динналул тисса куцуй орму бутлан аьркиншиву. Мукун орму бутаншиврул, Исламрал тлававшиннардун камилну кълуну диклан баглай бия. На Аллагнайн ﷺ шукру буллай ура, нава тарикьатрал ххулийн тлайла ацлан увнутий, му хлаксса ххуллу Исламрал дак душиву бувчунутий. Уттигу му къабувчуминнал дактуру Аллагьнал ﷺ титин дуваннав!

– Дин лахъхьин ччисса инсан университетравун къаувххун, луттирдава, интернетрава, ягу мизитравун занай лахълан къабучиссарив?

– Хъхьичисса ппурттуву нагу уссияв чявусса луттирду ккалай. Динналул луттирду, кказитру бахлахисса тучанналул чарах тачлава къауккайссияв, чара бакъа ца-кйива лу ягу «Ас-салам» ва «Нур-ул-Ислам» кказитру ласайссия. Саид-Афандинал ﷺ чивчусса, идавстурал тарихраясса лу бувккун, ттул дакниву гужсса асар хъуна. Тгун бувчлуна, ттула диннанул кълушивуртту цукун чансса дуссарив. Мунир махъ на уссияв мизитравун занай, дарсру ласлай, Къуръан буккин лахълай, аьлимтурал лекциярдайн занай. Амма миккугу, хлакьину лавгун, гъунттий къалавгун, дарсру личлай дия, низам хъбарану дия. Низамрайсса дуккаву дикланшивул на увхссияв Дагъусттаннал Исламрал Университетравусса (ДИУ) гъанттайнмайсса курсирдайн. Микку ласун бюхълай бия

так чара бакъа кълуну диклан аьркинсса элму. Шаллуну дуккаву дуван хъанай бакъая. Тгун чалай бия ххуйсса муьлимтал, цайми студентьгал ва дарсирдал низам дусса кланай дуклан аьркиншиву. Му куцуй, дачи шинава на увхра ва университетрал очный отделениялувун. Аьлимтурал увкуну бур, инсаннал элму аьркиншиву дуки-хлакьиянир гужну. Хадисраву увкуну бур: «Кия инсан укъаччайссар: дунияллул хъус тлава дуллалима ва элму лахълахьима». Хлакьинусса кьини ДИУ хъанай бур Дагъусттаннай яла хъхьичунмий исламрал вузирттавацца. Мунир на миву дуклай ура, гъарзадря рязинугу ура.


– Вила пикрилий, жула миллатраву динналул тагъар ларай хъуншиврул ци буван аьркинни?

– Буттал ва ниттил цала орчлан мюрцину бунува дин-чак, мяьрипат лахъхьин дуларча, мичча дайдишинтиссар кулпатраву, тухумраву, шяраваллил жяматраву барачатшиву. Нину-ппу цивппа цалчин байбишин аьркинни чак буллай, зума дугълай ва цаймигу динналул тлававшиннардун биттур дуллай.

Имамтурал ва цаймигу динналул ишбаранчитурал хларачат буван аьркинни дъгъват бавриву. Каши думиннал мадрасарттаву дуклакминнан, имамтуран кумаг буларча хъина.

Жунма баяй лакрал миллат бур цашиву дакъасса, куннал чарав ку къабацайсса, цайми миллатирттал халкъ кунмасса бакъар, тий. Ттул пикрилий, мунил багъана – цакъсса иман дакъашиву дур. Къуръанналуву увкуну буссар: «Хлакьну, циняв мусульман уссурвалли», – куну. Ва аятраву увкуса куцуй циняв уссурвал ва ссурвал кунма бикларча, жула иш хъхьичунмай бачинтиссар, иншааЛлагь.

Ялагу, жула миллатрал тарих къл буллан аьркинссар. Лакраву бивкиссар эбрат ласунсса хъунисса аьлимтал, шайхтал. Миннал тий бивкиссар буллан аьркинссар. Хлакьинусса кьини хъуна бакъай шайх Жамалуттин ﷺ ва Сайфуллагъ-къади ﷺ ца бивкиссарив къакълусса лак. Миннал Дагъусттаннал



тарихраву, халкъуннал ормулуву хъинну хъунмасса клану бувгъуссар. Жунма жула тарих хъама бивтун бур.

Аллагнал ﷺ чулинай кълра аян тачлава къаччаллссар. Хъхьичлава цукун мурдалсса орму бутлай ивкхурчагу, цика чявусса бунагъру бувхурчагу, Аллагнал ﷺ багъишла итайссар. Хадисраву увкуну бур: «Бунагъру баврия пашман хъусса, тавба дурсса инсан бувагу бунагъ къабувма кунасар». Мунир, лахъхьу хланту хлаклай ивкисса инсан хлакьину чак буллай айиширча, хъхьичлава бувсса бунагъру иттав щун буллан къабучиссар. Жула маччачу, члаххучу, шяравучу тлайла ацларча, мунал ормулуву, кулпатраву ислахшиву духурча, жува ххари хъун аьркинссару. Гъунтти цума ци тагъарданийн агъансарив так Заннан ﷺ бакъа къакълуссар.

– Исламрал универстетраву дуклай бурив цаймигу лакрал студентьгал?

– Цана жучлава динналул аьлимтал, имамтал биялну бакъар. Жула миллатравасса орчлру мадрасарттаву, исламрал Университетирттаву дуклай хъинну чансса бур. Хъхьичисса шиннардий ххину буссия, цана ДИУ-луву 5-6 инсан ливчун ур. На учин ччай ура нитти-буттагъахъ: нигъа мабусари зула орчлру мутааьлимталну гъан буван.

Жула жяматирттаву биклан аьркинссар дин кълусса, тлайлану Къуръан буккайсса, бивклу буччин, магъар бишин, ва цаймигу иширттавуцца шариьатрал хлукмурду бусан, щаллу буван кълусса аьлимтал. Шяраву имам ухурча, кьинилун ххуйла мизитрава «акбар» тий бухурча, чара бакъа мизитравун халкъ занантиссар, динналийн кълра баянтиссар. Ибрагьим идавсил ﷺ Къяба бувсса члумал, Аллагнал ﷺ мунайн амру бувссар: «Халкъуннайн овъча хлаж буван», – куну. Ибрагьимлул ﷺ увкуссар: «Я Аллагъ, ттул чу цинявнин къабаянссархха!». Аллагнал ﷺ увкуссар: «Вил бурж – овъчин, баян баву Ттул ишири», – куну. Мунир, овъчинмий бухурча, инсантурал дакфурдивун Аллагнал ﷺ биян бувантиссар.

– Ина цаппара хлаклай имамнугу зий ивкун ура. Буси мунир.

– 2013-ку шинал на гъан увнав гъинттулсса практикалийн Ккуллал райондалийсса Ваччиял шяраву имамшиву дуллан. Шяравусса жяматту хъинну ххуй бивзуна, ттухъ киккува ацлу тийгума бия. Амма тгун махъунай дарсирдайн зана иклан бахъуна.

– Дуккаву къуртал дурну махъ ци дуллансса, ссахъа зунсса пикри бур?

– Университет бувккуну махъ Аллагнал ﷺ ка бакъирча, на уххан ччай ура аспирантуралувун. Уххан къахурча, Муфтиятрал чулуха лакрал районнай каялушиву дулалиминнал увкуса куцуй буванна. Ссвирлив Исламрал даву дуллан насу учирчагу гъанна. Гъан уварча имамну зунна, акъахурча, цамур динналул даву дулланна. На мукунсса ххуллу бувчлава, тгун мукун тлайлану чалай бур. На хлайп тий ура 20-30 шинал хъхьичлава ва ххуллийн къаучлавария. Мунир, вания тихунмайсса ормулуву халкъуннан, жула миллатран, Исламран хайр бумур буллан ччай ура.

ИХТИЛАТ БУВССАР

ИСА ОЪМАРОВЛУЛ

МУЪМИНАТ

Аллагнайн ﷺ мютиймур ягу иблислух виччи дирхъумур?

(дайдихъу хъхьичлий номердай)

Цаппара зурдардива Мадина-Света ттулчан бувклуна хъинну пашманну. Ганил бувсуна цила нину азарханалийн дагъшиву пневмониялул азар дирну. Ца-кйива нюзмардува ганил бувсуна цуцлаву хъиннура гуж хъанай душиву ва духтуртурацца цичлава бан бюхълай бакъашиву. Ялагу кйива нюзмардува духтуртурал гъан-маччаминнахъ га шаппай буцияра куну бия.

– Нину цукун дур? – цуувххуссия на Мадинахъ.

– Хъин хъанай дакъар, хъиннура захмат хурча дакъа, – увкуна ганил яругу лабивтун, – Нину хъинну илтга хъунни. Лахъхьу духтур увкун ия. Ганал ттухъ яла овккимунийн хладур хъу увкунни. На му ниттихъ ттигу къабусав, мунир га буссар хъин хъунсса ххай.

– Аллагу Тааьланай ﷺ таваккал дува. Маркчланмай нагу бучланна ганих бурган, –

учав на.

Мадинал нину хъинну тяхъ-асса инсан бухунссия, мунир ягу цуцлаву цуксса захматсса дунугу га пашман къашайва.

– Ина ттуха дуаь даннав? – цуувххуна ганил ттухъ.

– Вихара инара дарча хъинну бикланссия, – учав на.

– Цана на цичлава дан кунма бакъара, яла хъин хъувкун, ина лахъхьин данссар, – увкуна ганил пишгу куну.

Вай мукъурттил на ххари бувнав, га хъамитайпа ва ххуллухвагу Аллагъ ﷺ ушиврийн инкар буллай бакъанутий. Цаппара гъантрава ттулчан Мадина бувкун, цилла ниттин на ккаккан ччай бушиву бувсуна. Му дия барачатсса Шябан зурул нюзмар хъхъу. На гацлана лавгра къашавайсса хъамитайпалулчан. На бучлаврия га хъинну ххари хъуна.

– Вища къахъунсарив зула ва мизитрал имамнахъ ттуха

зула Заннайн дуаь дува учин? – цуувххуна ганил.

– Зал цинявннангу ца уссар. Вихара дуаь инара дурну хъинссар. Цана ина къашавай бура, къашайшиврул жува Аллагнал ﷺ гъан байссару.

– Тгун къакълули дуаь дан. На тачлава динналух къулагъас къадайссия.

– Вин шагъадатгу дурккуну, дакнихтуну тавбагу дурну, хъин хъувкун динналул ххулийн бачинна тисса нийят дуван аьркинссар.

– Туну лахъхьин ба тгун шагъадат дутайсса куц. Цунилгу, ганил душнин кунма, на ххуттал хъирив хха буклай шагъадат дуккав, ганилгу ттул хъирив тикрал бувунни: «На барашинна дуллай бура Аллагъ акъасса цама Зал акъашиву, ялагу на барашинна дуллай бура Мухаммад Идавс ﷺ хлакьсса Аллагнал ﷺ Идавс ушиву».

– Хъунмасса барчаллагъ вин ина бувсса гъарзадрах, – лагъну

увкуна ганил, на шаппай на-нисса члумал.

– Барчаллагъ ттухъ маучара, Аллагу Тааьланайн шукру бува. Заннал вичлансса рахлму-цими хъинну хъунмасса. Заннал гъалгъа бува, Аллагнал ﷺ гъарзад баллалиссар, вил ссурсулул туннулуяр вичлан гъанну унутий. На имамнахъгу миннат банна виха дуаь даншиврул. Жунма ци хъинссарив так ца Аллагу Тааьланан бакъа къакълуссар.

Лифт зий бакъанутий, на шаппай чурттурдайх ялавай бувчун най буссияв, къатлату баллалисса гъарал чунихгу вичилий. На пикриравун лавгун буссияв. Вай кйива хъамитайпалул на ттулва ормулух цамур куцуй бурган бувунна. Цу-унугу жуярва чанс-савагу ялавайсса уссар тгун къабучир. Ца лахлзалули инсан тавбалия арх уллалисса, цийну Аллагнал ﷺ гъан хъуну, Аллагъ– нан ﷺ ххирас-

са лагъ шайсса. Га хъамитайпа цаппара гъантрава бивклуна. Ганил душнил ттухъ був-суна, га кйорххил бивзун цицалва гъалгъа тий бивкшиву, яла паракъатну яру лавкуну, ххисшала къативтлушиву. Аллагу Тааьланал ﷺ бигъа дурунни хъинну захматну къашавайса хъамитайпалул ва дуниял къадитаву. Га Ахиратлувун лавгунни Аллагнал ﷺ хъхьич тавбагу дурну, Исламгу къамул дурну. Аллагнал ﷺ Адам Идавс-сихъ бувсъяссар, ганал зуррия-травасса инсантурал тавба дарча, махъва-махъсса ссхлхлицал дарчагума, миннай цими бувну, бунагъирттал ялтту учлайшиву. Аллагнал ﷺ къамул даннав ганил дурсса Исламрал ххуллу бутгансса ният, ва ормулуву цичлава бан ганища къабювхъунугу.

(зихунмайгу буссар)

ПАТИМАТ ХАМЗАТОВА

Цура ина ва дунияллий?

(дайдиху хъьичИмий номердай)

20. Зун кIуллив ххуйсса тIул-тIабиаьт цумурдив? Зукура мукунса хасиятру чIалай дурив? Ми диялсса дурив?

Цаппара ларайсса хасиятру: иминшиву, тIайлашиву, махъ бугъаву, аманат лиян къабаву, хъинбаларду бавриву хIарачат баву, чувшиву, ссавур душиву, буллусса неъматиртахлу Аллагнайн ۞ шукру баву, цайминнал гIалатIирттах къулагъас къадаву, Аллагнал ۞ цIимилийн таваккал бутаву ва Заннан ۞ сси бизан баврия нигъа усаву, нач душиву, халкъ бигъану багъишла битаву, рахIму бушиву, чумартшиву, хъиншиву, Аллагнал ۞ ляхан дурсса аьлам-махлуькатрая пикри баву, бунагъмуния арх хьун хIарачат баву, сситгучIа ссавур даву, гIибат-бугътан баврия, аьркин бакъасса ихтилатрая махъунай шаву, даймуниву, дитаймуниву аьдлу бушиву, хъуниминнаха хIурмат баву, духIи-дуцин душиву, хIалимшиву, сахаватшиву, захIмат буван, даву дуллан ххирашиву, мяррипат душиву, ас-намус бушиву.

МухIаммад Идавсил укунсса дуаь дувайсса диркIссар: «Я Аллагъ, на ххуйсса хасиятрайн тIайла ува, мунийн тIайла уван Вища бакъа къашайссар» (Муслим).

Аллагъу Тааьлал увкуну бур: «Уча: "ХIакъну ттул Заннал къадагъа дирхъуссар къюлтIну ягу загьирну къадарсса, мурдалсса тIуллу даврин. Ва мукунма, бунагъсса тIуллу даврий ва аьдлу бакъасса зулму баврий..."» (сура аль-Аьраф, аят 33).

Имам аль-Гъазалинал чивчуну бур: «КIулну икIу, инсаннал дакIниву оьсса хасиятру диялсса дуссар. Миннуя дакI марцI даву-гу – лахъисса ххуллури. Му ххуллу битангу захIматссар». Ванал ялагу увкуну бур: «АллагначIан ۞ гъан шаврил ххуллийх наниманал шартI – дакIнива мурдалсса тIабиаьт дуккан дуван кумаг бувансса ва ххуйсса хасият тарбия дувансса муршид (устаз) ушивури».

Мурдалсса, бунагъсса тIуллу хъанахъиссар: лажинлякъаву, щялмахъшиву, хIиллакаршиву, дакI

хъуншиву, пахрушиву, цаятува цува рязишиву, энадшиву, мяшшиву, къанихшиву, цана цува ххирашиву, дакI мяшшиву, оьхIалшиву, дакI оьшиву, къисас ласун ччишиву, сситтулшиву, цайми ссанчIав ккалли бакъашиву, халкъуннал диялдакъашивурттал хъирив ацIаву, гIибат-бугътан баву, халкъ къякълукун бишаву, рихшантру даву, цаманал сий яларай даву, хIан хIачIаврихун агъаву, Аллагъ ۞ хъама итаву, аьркин бакъамуниву хIала уххаву, динналул уссищал ххаххаву, лурттурсса ласаву, дуваймур ккаккиялун даву, исрафшиву даву, иттарцIаншиву, инсаннай зулму баву, цаманан бувсса хъинбала ганан дакIнин бутлатаву, нигъаусушиву, нач дакъашиву, загьирну бунагъру баву – хъуними ягу мюрщими.

Имам Аль-Гъазалинал луттираву чивчуну бур: «Вай хасиятирттая ина шайкун архну икIан аьркинссара, хIакъну, вайннул инсан гIалак увайссар. Вай циняв оьсса аьмал-лал аслу-гъанури».

Мукъвагу мазгъабрал аьлимтурал увкуну бур: «ДакIниву оьсса хасиятирттая марцI хьун къашайссар хIакъсса шайхнал (устазнал) ххуллу къабувгъуссаксса». Шейхуль-Ислам Закария аль-Ансарил увкуну бур: «Тасавуф – инсаннал нафс марцI дуван, хасият исвагъи дуван лахъхьин бувайсса, дакIнил загьирсса ва къюлтIсса хIал кIул бувну, абадлийсса талихIрайн уцайсса элмури».

21. Зува учаймунил ялув бацIарув? Дунияллуьгу ахиратрангу хайр бакъасса махъ къаучин хIарачат буварув? Щялусса хавардах вичIи къадишарув, цаманая махъату гIалгъа тIиминнаву хIала къабуххарув? Махъ учайни мунил ахирдания пикри буварув, масала, ца за буванна тIий, амма буван най акъанува ягу щялмахъ бувсун, бакъу бивхъуну, гIибат бувну, маз бувну, ламмамшиву дурну, щялмахъсса хъа бувну, цаманая оьсса махъ увкуну, къюлтIсса аманат загьир бувну.

Аьбуллагъ ибн Аьмрдуя бувсун бур Расулуллагнал ۞ увкушиву: «Мусульманчув – цала мазрайну-

гу канийнугу цайминнан зарал къабуваймари» (аль-Бухари).

Аллагъу Тааьлал увкуссар (мяъна): «Инсаннал увкусса гъарца махъ чичайссар мунал чIарав бивтсса кIива малаикнал – Ракъиб ва Аьтид» (сура «Каф», аят 18).

МухIаммад Идавсил ۞ увкуссар: «Аллагнайн ۞ ва Къиямасса къинилийн вихсса инсаннал хинсса махъ учича ягу къаагъну икIуча». (Аль-Бухари, Муслим).

Хадисраву увкуну бур: «Иман дусса инсаннал аьй къарищайссар, нааьна къадувайссар, инсан къюкьин къаувайссар, оьсса махъ къаучайссар».

22. Зула чурххал базурду хIараммуния ва халкъуннан зарал биян баврия цукун буруччарув? Буварув хIарачат къадагъа думуних къабургулан, цайминнал диялдакъашивурттал хъирив къабацIан? Цайми мусульманнал сий ва хъус зулами кунна дуруччарув?

Аллагнал ۞ Къуръанналуву увкуну бур: «Уча [я МухIаммад] иман дусса арамурахъ зула яру ва аьврат хIараммуния дуруччара, куну. Мукун миннан хъинссар. ХIакъну Аллагнал ۞ кIулссар миннал дуллаймур» (сура «ан-Нур», аятру 30-31).

ЛичIлулну бурув зу зуна баврия, хIан хIачаврия, цурк баврия, хъус хъямала даврия, азарт дусса тIуркIурдай буккаврия? КIуллив вай цукун захIматсса бунагъру буссарив?

Идавсил ۞ увкуссар: «Карунналгу зуна бувайссар, ччанналгу зуна бувайссар, яруналгу зуна бувайссар» (имам АхIмад).

23. Пикри бувару, хIакъсса мусульманчувнал хасият чIалачIи дуварув зула кулпатрал, оьрчIал, нитти-буттал чулпнай, гайннаха багъайкусса къулагъас дуварув?

Идавсил ۞ увкуссар: «Зувату яла хъинма – цала кулпатран хъинмари» (ат-Тирмизи).

24. Ина ца идаралул бакIчи, заллу ухъурча, вила зузалтрал чулинмай аьдлу буварув, гай вияту рязину бурув? Гайннал ихтиярду биттур дуварув? Ина зузала ухъурча, вила хъунаманайн мютIий шарав? Вила

даву дагъайкун ххуйну дуварав? Инава щинчIав пичIав къабурж-лувссара тIисса пикри бурув?

Идавсил ۞ увкуссар: «Даву дуван инсан увхъуну, дурну махъ багъайсса харж къабуллунанан Къиямасса къини на муттаэну икIантIиссара» (аль-Бухари)

25. Цуксса чIявуну зун бивкIу дакIнин багъай, зу мунийн хIадур хъанай бурув? Къиямасса къини чара бакъа дучIантIишиврия пикри буварув? БивкIулуцал хъуна бакъин хIадур хъанай бурув? БивкIулул ссятрая цуксса нигъа бувсун бурув? ХIадурну бурув хIакъину, вассят дуниял къадитан?

Къуръанналуву Аллагъу Тааьлал увкуну бур (мяъна): «Зу ливхъун бачирчагу, бивкIу хъирив лаянтIиссар. Яла зу утгава бувну, загьирмур ва къюлтIмур кIулсса АллагначIан ۞ зана бувантIиссару. Ахиратраву ккаккан бувантIиссар зу дунияллий дуллай бивкIмур ва дурмуних жаваб дулунтIиссар» (сура «аль-Джума», аят 8).

Расулуллагнал ۞ увкуссар: «ЧIявуну дакIнин дулутияра хIаз (кайп) лиян буваймур (бивкIу)» (ат-Тирмизи).

ЧIявуну бивкIу дакIнин бутайсса, мунийр махъ бикланмунил пикри бувайсса инсан ва аьщарайсса оьрмулул панасса хъиншивурттал хъирив къаагъантIиссар, хIалалмунил дазурдал къатIув къауккантIиссар.

Зула жавабирттал ялув пикри буварча, зун бувчIинтIиссар зува хIакъсса мусульманчувнал цими процент буссарив. Вай суаллахъхъун жавабру дулуну зунма къимат бившукун, зухъва зува цIуххара: ттуршуннива ливчIсса гайми процентирдан ци бантIиссар, гай ссал бувцIуну буссар?

Биял къахъанахъисса процетру – инсаннал цала динналул чулпнайсса пикрибакъашиврул ягу мукъуртивусса ва тIуллавусса мунафикъшиврул хIасилли.

(гихунмайгу буссар)

АХИМАД-ХИАЖИ АЬБДУЛАЕВ

ДАГЪУСТТАННАЛ МУФТИЙ

ЦИУЛЛУ-САГЪШИВУ

МахIиялул мюнпатрая

МахIия (боярышник) хъинну дарувсса ххяххия дур. Муниву буссар витаминну А, К, С, Е, В. Буссар цайми ахъулссаннуву бакъасса даруртту, масала, урсоловая кислота. МахIия къюкIлин ва нервардан бакъа чара бакъасса дарман хъанай бур. Муния къюкIлин мюнпат бушиву халкъуннан ттуршрахъул шиннар-дил хъьичIва кIулну бивкIун бур.

МахIия дикIайссар кIива журацца: лухIисса ва ятIулсса. ЯтIулмур хъиннура дарувссар. Ванил ахъулссаннуву ва тIутIаву бур инсаннал чурххан хъун-масса хайр. МахIиялия бувайсса бур къюкIлил диялдакъашиврунсса, оь сукку шавринсса (давление), шанубакъашиннарансса ва мукунма бугъарасса инсантурал оьттул зузаву ххуй дувансса даруртту. МахIиялул кумаг бувайсса бур атеросклероз хъусса инсаннан. Вания дувайсса дур настойка ягу отвар, ккаккан дурсса чIумуй хIачIан. Ялагу вания бувайсса бур кардиовален тIисса дару.



Атеросклероз – му дур инсаннал чурххавусса туннурду къянкъа бувайсса, гай чапал буллай, къюкIлил зузаву захIмат дуллалисса азар. Му азар хъин дуван кумаг хъуншиврул дувайссар махIиялул отвар. Ласайссар шанна хъун къусса махIиялул ккузрал. Миннуьн дутIайссар дачIи литIра щаращисса щинал. Яла 1-2 ссятрайгу диртун, дутIайссар цамур тIахIунттувун. ХIачIлан аьркинссар 150 мл къинилун 3-лла, дукра дукан 30-ра минутIрал хъьичI. Атеросклерозран бакъасса, ва отварданул ялагу кумаг бувайссар лахъсса давление душивруя, стенокардиялиту, шану бакъашивруя, къюкI риплашаврия, бакI гъанагъаврия. Ванил курс бувайссар ца зуруй. Мунийр махъ 10-14 гъантIува ялагу тикрал бувайссар. Му куцуй, ца щинал мутгалий 7-8 курс буван бучIину бур.

МахIия къахъинссар лякIулува ягу ккуккулий оьрчI бусса хъаннин. Мукунма, ца къинилул мутгалий махIиялул 150 грамрар ххишала дуркуну къахъинссар тIар. Аллагнал ۞ кумаг буваннав!

МАХИАД ШАЛЛАСУЕВ

ЦИУССАЛАКРАЛ РАЙОН, Ш. ЧАПАЕВО



Машиналий щяиклакисса чумал дуккайсса дуаь дуссарив?

Мусульмансса инсан кюрххил шанияту ивзния шинай, утту ишинца, шала кьини дуллалисса давурттаву дуккайсса дуартту дур. Кьинилул мутталий мусульманчувнал ялун ци биярчагу – ххаришиву диклу, пашманшиву диклу – дуссар дурккуну хьинсса дуартту, учайсса махьру.

Мухаммад Идавсил ﷺ чай ягу ванттуей буртти иклайсса чумал шамилва «Аллагу акбар» увкуну, яла дуккайсса диркиссар ва дуаь: «Бисмилляги, альхамдулилляги, субхана-л-лязи саххара лана гьаза, ва ма кунна лагу мукьринина, ва инна иля раббина ламункьалибун. Аллагуmma инни асгалука фи сафари гьаза аль-бирра ва-т-такьва ва мина-ль-аьмали ма тарза. Аллагуmma гьаввин аьлайна сафарана гьаза ва-тви лана-ль-буьда. Аллагуmma анта-с-сахлибу фи-с-сафари валь-халифату филь-аьги. Аллагуmma асхлибна фи сафарина фахлифна фи аьги. Аллагуmma инни аоьзу бика мин ваьсаи-с-сафари ва каабатиль манзари ва суиль-мункьаляби филь мали валь аьги валь валяди». Вай махьру дакних лавхьхуну, машиналий щяиклайни учаварча хьинссар.



Жу буттал жула чаравсса тучандалува дуки-хачия машан ласун кьабитару, гиву аьракь, хан дахлай дунутий. Хан дакь-асса архсса цамур тучандалийн тлайла буккару, дуки-хачия цумур тучандалия ласурчагу личишиву дуссарив?

Хан даххайсса тучандалия зад машан ласавриву бунагь бакьассар, амма бюхъавай аьракь дакьамур тучандалува ларсун хьинссар жунна аьркинмур.



На цалчинмур шарсанишал личи хьуну, цамур кулпат бував. Ттул уссар га шарссанил увсса оьрчи. Шариатрайн бувну мунал чулухуннайсса ттуйсса тлавшиннардуду цукунссар?

Шариатраву личи бувну бакьассар оьрчи цумур ташулулив, цимилчинмур шарссаниятуссарив. Оьрчи балугьравун иянин буттал буржри му цимурцаннул щаллу уван: янналул, дуки-хачиялул, бакрал ялувсса магьул, тарбиялул.



Хьхьичи дагьани духурча чак буван бучиссарив?

Циняв багьайсса рукнурду ва шартру биттур дуварча, дагьантул хьхьичи бувсса чак хисавссар, амма чакливу аькькин уван бюхъайсса зад хьхьичи дусса кланай чак баву кьахьинссар.



Мухаммад Идавсил ﷺ заманнай хьхьичива-хьхьичи бувсса мизит цумурди?

Хьхьичива-хьхьичи бувсса мизит хьнахьиссар Мадиналивсса Масжидуль-Кьуба тисса мизит.



Цукунчавсса савартгата кумаг бакь-аний ласан бахлу буван бучиссарив?

Бахлугу, муниха лархьхьусса тлулугу буллалаву бунагьссар, мукунсса иширттайн шариатраву цакаьсса кьадагьа дуссар.



Ивкисса инсан гьаттаву щил ишин аьркинссар?

Ивкьума гьаттаву иширча хьинссар бивкьу бучаврил хакь-хисав ххуйну кьулманал. Му цувагу ивкьуманал гьанчу ухурча хьинссар.



Чак бувну махь цал азкар-дуартту дурккуну хьинссарив ягу суннат чакру бувну хьинссарив?

Чаклил хьирив щяивкьун унува азкарду дурккуну хьинссар, яла суннат чакру бувайссар.



Бучиссарив лякьлуву хьусса хьамитайпалун УЗИ бишин арс урив, душ бурив кьул буваншиврул?

УЗИ бишаврин кьадагьа дакьассар, так мунийну ниттин ягу лякьлувусса оьрчан зарал хьанай бакь-ахурча. УЗИ бишайсса духтургу хьамитайпа биклан аьркинссар. УЗИ бишаву бучьултрачлан лагавриха лахьхьин буллангу кьаьркинссар, цанчирча, мунийну ялун бучантимур кьул кьабуллалиссар.



Чявуну Аллагу ﷻ кьичи лагаву, зикри баву хьинссарив ягу чявусса садакьа баву хьинссарив?

Имам Хакимлул ва Имам Тирмизил бувьсса хадисраву Идавсил ﷺ увкуну бур: «Бусавив зухьва аьмаллава яла ххуймур ва Аллагунал ﷻ хьхьичи даража лаваймур, арцу-муси садакьалун дулаврияр ххуймур, гьазаватрайн уккаврияр хьинмур цумурдив, куну. Асхлатурал увкуссар, буси я Расулуллагу, куну. Му аьмал – Аллагу ﷻ кьичи лагавури, куссар Идавсил ﷺ».

Имам Тирмизил бувьсса хадисраву бувсун бур, ца чумал Идавсих ﷺ цувххушиву Аллагунал ﷻ хьхьичи даража яла лавайми лагьарт цумири, куну. Идавсилгу ﷺ жаваб дуллун дур, ми лагьарт чявуну Аллагу ﷻ кьичи лагаймири, яни, зикри чявусса буваймири, куну. Вай хадисирттайну жунма бучьлачиссар чявусса садакьа баврияр чявусса зикри баву хьинсса бушиву.



Кьурьандалува яла ххирамур, даража лаваймур аят, сура цумурди?

Яла ххирамур аят хьнахьиссар «Аятуль-Курси», яла ххирамур сура – «Аль-Фатиха» (альхам).



Лакьхьин буллалисса муаьлим акьанува Кьурьан буккин бучиссарив?

Кьурьан буккавил низам, тажвид-махраж кьулну духурча буккин бучиссар, амма муаьлимнал лакьхьин буллай буккаву хьинссар, барачатсар.

Рузнама

Март

Кьини	Кюрххил чак	Баргь букваву	Ахттайн чак	Ахткьун чак	Маркьачлан чак	Хьатлан чак
1	04:51	06:24	12:04	15:08	17:40	19:10
2	04:49	06:23	12:04	15:09	17:41	19:11
4	04:46	06:19	12:03	15:11	17:44	19:14
6	04:42	06:16	12:03	15:12	17:46	19:16
8	04:39	06:13	12:02	15:14	17:49	19:19
10	04:35	06:09	12:02	15:15	17:51	19:21
12	04:32	06:06	12:01	15:17	17:54	19:24
14	04:28	06:02	12:01	15:18	17:56	19:26
16	04:25	05:59	12:00	15:20	17:58	19:28
18	04:21	05:55	12:00	15:21	18:01	19:31
20	04:17	05:52	11:59	15:22	18:03	19:33
22	04:13	05:48	11:58	15:24	18:05	19:35
24	04:09	05:45	11:58	15:25	18:08	19:38
26	04:05	05:41	11:57	15:26	18:10	19:40
28	04:01	05:38	11:57	15:27	18:13	19:43
30	03:57	05:34	11:56	15:28	18:15	19:45

Рекомендовано каноническим отделом Муфтията РД для г. Махачкалы

ХХИРАССА БУККУЛТ!

НАЙ ДУССАР 2017-КУ ШИНАЙНССА»АС-САЛАМ»

ККАЗИТРАЛ ПОДПИСКА.

ККАЗИТ ЧИЧИН ХЬУНТИССАР ЧЧИМУР ПОЧТАЛИЙ

ВА МУКУНМА ГЬАРЦА РАЙОННАЙССА ЖУЛ

ВАКИЛУРАЙХЧИН.

ККАЗИТ ЧИЧАВРИЛ ВА БИАН БАВРИЛ ХИАКЬИРАВУ

ОЬВЧИН БЮХЬАНТИССАР ВА НОМЕРДАНИЙН:

8-988-291-42-22